


清代起居注冊


國立故宮博物院珍藏



同治朝
第十二冊

清代起居注冊

國立故宮博物院珍藏



同治朝 第十二冊

同治三年正月下	六二七七
同治三年正月下	六三三七
同治三年二月上	六四四五
同治三年二月下	六五四七
同治三年三月上	六六一七
同治三年三月下	六七四五

清代起居注冊—同治朝

(清)桂清楊等奉敕撰 民國72年 臺北市 聯合報
文化基金會國學文獻館印行 影印本

43冊 21公分

據國立故宮博物院藏手稿本影印
聯經出版事業公司總經銷

I. (清)桂清楊等奉敕撰

654.78
7436
72

NT\$ 86,000.00

72 · 12 · 0650

· 89007169 ·

清代起居注冊 同治朝第十二冊

資料提供者 國立故宮博物院
景印者 聯合報文化基金會國學文獻館
發行人 王必成
發行者 聯經出版事業公司

臺北市忠孝東路四段五五七號
電話：七六〇一六一六—二三一七
郵撥：一〇〇五五五九號

行政院新聞局登記證局版臺業字〇一三〇號
保有版權·翻印必究

中華民國七十二年十二月初版

咸同兩朝共壹佰冊
定價每部新台幣八六〇〇元

同治三年歲次甲子正月初一日癸卯

上詣

奉先殿行禮辰刻

詣

慈寧門外率王公大臣蒙古王公貝勒貝子文武大
小官員等行慶賀禮禮成

駕還養心殿

詣綏履殿

母后皇太后前遞如意平安室

聖母皇太后前遞如意

御太和殿受王公大臣蒙古王公貝勒貝子額駙

台吉文武大小官員及朝鮮國使臣等朝賀

禮禮成已刻

詣

大高玄殿拈香

壽皇殿行禮

駕進宮

是日

起居注官蘇勒布銘安丁培鎰趙新

初二日甲辰

上詣綏履殿

母后皇太后前請安平安室

聖母皇太后前請安內閣奉

諭旨上年直隸開州等州縣被水被旱被雹被蟲
業經降旨分別蠲緩撫恤小民諒可不致失所
惟念今春青黃不接之時民力未免拮据加恩
著將開州東明長垣豐潤等四州縣成災五七
八九分各村莊應納同治三年春徵新賦一切

正雜糧租緩至同治三年秋後啓徵其開州東
明長垣豐潤等四州縣歉收三四分各村莊應
納同治三年春徵新賦正雜糧租緩至同治三
年春後啓徵至武清冀州甯河東安安肅完縣
東鹿天津青縣靜海滄州南皮鹽山鉅鹿大名
懷來玉田衡水甯晉深州等二十州縣歉收三
四分各村莊應徵本節年糧租並深州連年積

歉之楊李徐等九十村莊民欠節年糧租等項
除同治三年新賦照常徵收外其原緩至同治三
年春後啓徵歉收四分村莊應徵本節年糧租
以及歉收三分村莊應徵節年糧租米豆同河
淤海防經費儲備軍餉等項地租一併緩至同
治三年秋後啓徵以紓民力該督即刊刻謄黃
徧行曉諭務使實惠均霑毋任吏胥舞弊用副

朝廷乘春布愷嘉惠畿疆至意該部即遵諭行

又奉

諭旨曾國藩李鴻章奏查明各州縣被水被旱勘
不成災地畝懇請緩徵漕糧並折色一摺江蘇
淮揚等屬上年夏秋積雨低區被淹高地又復
被旱若將應徵漕糧折色照常徵收民力恐有
未逮加恩著照所請所有單開之山陽阜甯清

河桃源鹽城高郵泰州東臺甘泉興化寶應銅
山豐縣沛縣蕭縣碭山邳州宿遷睢甯海州沐
陽贛榆泰興等二十三州縣勘不成災田地應
徵同治二年漕糧及改徵折色銀兩均著照例
緩徵以紓民力該督撫卽刊刻謄黃徧行曉諭
務使實惠均霑毋任吏胥舞弊用副朝廷軫念
災區至意餘著照所議辦理該部知道單併發

又奉

諭旨曾國藩李鴻章奏查明淮揚等屬各廳州縣
衛秋禾被水被旱勘不成灾情形懇請恩施一
摺上年江蘇淮揚徐海通等府州屬並海門廳
地方夏秋間雨水過多秋禾雜糧被淹揚通二
府州屬高阜之區入伏後日久缺雨禾苗間有
受傷收成均屬歉薄若仍照常徵收民力未免

拮据著照該督撫所請所有勘不成災之山陽
阜甯清河桃源安東鹽城高郵泰州東臺江都
甘泉興化寶應銅山豐縣沛縣蕭縣碭山邳州
宿遷睢甯海州沐陽贛榆通州泰興海門等二
十七州廳縣並淮安大河揚州徐州四衛坐落
各縣屯田應徵同治二年地丁等項錢糧均著
緩至本年秋後起分作二年帶徵又淮揚二屬

減則蘆葦田地並海州屬一水一麥減則田地
應徵錢糧亦著照歷屆成案一律緩徵又各該
州廳縣衛勘不成災田地並江都甘泉二縣揚
州衛被兵處所應徵本年上忙新賦亦著緩至
秋成後察看啓徵其餘被歉各屬未完咸豐十
年十一年同治元年災熟民欠錢糧凡坐落上
年歉區及被兵地方者均著緩至本年秋成後

察看帶徵其江屬上年秋成僅止中稔之山陽
阜甯清河桃源安東鹽城高郵泰州東臺江都
甘泉興化寶應銅山豐縣沛縣蕭縣碭山邳州
宿遷睢甯海州沐陽贛榆通州泰興靖江海門
等二十八州廳縣並淮安大河揚州徐州四衛
熟田項下民欠軍欠咸豐十年十一年原緩遞
緩災熟舊欠及同治元年災緩各款銀米並不

在豁免案內之各年津貼增租銀兩均著緩至
本年秋後察看情形分別酌量帶徵以紓民力
其阜甯桃源宿遷海州沐陽贛榆等七州縣上
年被歉田地應行折徵漕糧銀兩著隨同各屬
漕糧漕項銀米一體緩徵餘著照所議辦理該
督撫卽刊刻謄黃徧行曉諭務使實惠均霑毋
任吏胥舞弊用副朝廷軫念民依至意該部知

道又奉

諭旨曾國藩李鴻章奏查明蘇松各屬應徵同治
二年地漕等項錢糧懇請分別蠲緩一摺江蘇
長洲等廳縣先後克復小民漸次復業惟被擾
日久元氣未甦若將同治二年新賦照常徵收
民力實有未逮著照所請所有長洲元和吳縣
吳江震澤武進陽湖無錫金匱江陰宜興荆溪